

## **Memorandwm Esboniadol ynghylch Gorchymyn Iechyd Planhigion (Cymru) (Diwygio) 2007**

Paratowyd y Memorandwm Esboniadol hwn gan yr Adran Materion Gwledig ac fe'i cyflwynir gerbron Cynulliad Cenedlaethol Cymru.

### **1. Disgrifiad**

Mae'r Gorchymyn hwn yn diwygio Gorchymyn Iechyd Planhigion (Cymru) 2006 ("y prif Orchymyn"), sy'n cynnwys mesurau i atal plâu ac afiechydon niweidiol rhag cael eu cyflwyno a'u lledaenu. Mae'n gweithredu Cyfarwyddbau'r Cyngor 2006/56/EC a 2006/63/EC ac yn cywiro mân wallau yn y prif Orchymyn.

### **2. Materion o ddiddordeb arbennig i'r Pwyllgor Is-ddeddfwriaeth**

Nid oedd unrhyw faterion o'r fath yn codi. Mae'r Gorchymyn hwn yn gweithredu rhwymedigaethau cyfarwyddol y Gymuned drwy Gyfarwyddbau'r Comisiwn 2006/56/EC a 2006/63/EC, sy'n diwygio Cyfarwyddbau'r Cyngor 93/85/EEC a 98/57/EC.

### **3. Y Cefndir Deddfwriaethol**

Mae Gorchymyn Iechyd Planhigion (Cymru) (Diwygio) 2007 yn gweithredu Cyfarwyddbau'r Comisiwn 2006/56/EC a 2006/63/EC ac yn diwygio Cyfarwyddbau'r Cyngor 93/85/EEC a 98/57/EC. Mae Cyfarwyddbau 93/85/EEC a 98/57/EC yn nodi mesurau i'w cymryd mewn Aelod-wladwriaethau yn erbyn pydredd cylch tatws (*Clavibacter michiganensis*) a phydredd coch tatws (*Ralstonia solanacearum*). Gweithredir y Cyfarwyddbau hyn yng Nghymru gan Orchymyn Iechyd Planhigion (Cymru) 2006. Mae deddfwriaeth debyg, ar wahân ar waith yn Lloegr, yr Alban a Gogledd Iwerddon.

Mae Gorchymyn Iechyd Planhigion (Cymru) (Diwygio) 2007 yn cael ei wneud o dan adrannau 2 a 3(1) o Ddeddf Iechyd Planhigion 1967.

Mae'r offeryn hwn yn cael ei wneud gan ddefnyddio'r weithdrefn penderfyniad negyddol.

### **4. Diben y ddeddfwriaeth a'r effaith y bwriedir iddi ei chael**

Mae Cyfarwyddbau 2006/56/EC and 2006/63/EC yn diweddarau'r gofynion yn yr Atodiadau i Gyfarwyddbau 93/85 a 98/57 sy'n nodi mesurau ar gyfer gwaredu deunydd halogedig a deunydd halogedig posibl, a mesurau rheoli mewn mannau cynhyrchu halogedig, gan gynnwys mewn parthau darnodi. Mae'r newidiadau hyn yn adlewyrchu datblygiadau o safbwynt dealltwriaeth ynghylch bioleg yr organeddu, a'r gweithdrefnau ar gyfer eu canfod a'u hadnabod, yn ogystal â phrofiad ymarferol o reoli afiechydon.

Mae'n ofynnol i Lywodraeth y Cynulliad weithredu'r Cyfarwydddebau hyn gan y Cyngor cyn gynted ac y bo'n ymarferol bosibl er mwyn sicrhau dull cyson o weithredu yn erbyn pydredd cylch tatws a phydredd coch tatws ledled yr UE. Cyngor yr Arolygiaeth Iechyd Planhigion a Hadau, sy'n gweithredu yng Nghymru ar ran Llywodraeth y Cynulliad, yw y byddai peidio â gweithredu'r diwygiadau hyn yn golygu y byddai mwy o fygythiad i iechyd planhigion yng Nghymru.

#### **5. Gweithredu**

Bwriedir i'r Gorchymyn Diwygio hwn ddod i rym ar 10 Hydref 2007. Gweithredwyd deddfwriaeth debyg yn Lloegr ar 1 Awst 2007 ac mae'n cael ei hystyried yn yr Alban a Gogledd Iwerddon ar hyn o bryd. Ni ddisgwylir y byddai gweithredu'r Rheoliadau hyn yn cael unrhyw effeithiau arwyddocaol yng Nghymru ac eithrio cyflwyno mesurau gwell i reoli afiechydon. Er hynny, byddai methu â gweithredu'r diwygiadau hyn yn arwain at anawsterau gweithredol i'r Arolygiaeth Iechyd Planhigion a Hadau, oherwydd byddai angen iddi ddefnyddio cyfundrefnau rheoleiddio gwahanol yng Nghymru a Lloegr wrth ddarparu gwasanaethau sy'n gysylltiedig â'r Gorchymyn hwn.

#### **6. Ymgynghori**

Ni farnwyd bod angen ymgynghori'n gyhoeddus ynghylch y Gorchymyn Diwygio hwn. Mae'r diwygiadau'n gweithredu Cyfarwydddebau 2006/56/EC a 2006/63/EC ar bydredd cylch tatws a phydredd coch tatws. Mae sefydliadau masnachu tatws yng Nghymru a Lloegr wedi cael eu hysbysu eisoes ac nid ydynt wedi codi unrhyw bryderon am y mân newidiadau a orfodir gan y Cyfarwydddebau a'r ddeddfwriaeth ddomestig ddilynol. At hynny, o ystyried graddfa gyfyngedig y diwydiant garddwriaeth yng Nghymru, a'r sector tatws yn benodol, nid oes gan y ddeddfwriaeth gynulleidfa darged fawr. Ni chynhaliwyd unrhyw ymgynghoriad penodol naill ai yn Lloegr nac yn yr Alban.

#### **7. Asesiad Effaith Rheoleiddiol**

Ni pharatowyd asesiad effaith rheoleiddiol, gan nad yw'r Gorchymyn Diwygio yn effeithio o gwbl ar gostau busnesau, awdurdodau lleol na'r sector gwirfoddol.